

## C A I B. XVII.

ann an fo mar an ceudna fùil ris an Ti sin a ta 'gam fhaicinn?

14 Uime sin ghoir i do'n tobar, Beer-la-hai-roi; feuch, *a ta* e eadar Cades agus Bered.

15 Agus rug Hagar mac do Abram: agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus fè bliadhna dh'aois, 'nuair a rug Hagar Ismael do Abram.

### C A I B. XVII.

**A** GUS 'nuair a bha Abram ceithir fichead agus naoi bliadhna deug a dh'aois; dh'fhoillsich an Tighearn e féin da, agus thubhairt e ris, *Is* mise 'n Dia uile-chumhachdach; gluais thusa a'm' fhianais, agus bi iomlan <sup>a</sup>.

2 Agus ni mi mo choi'-cheangal eadar mise agus thusa, agus meudaichidh mi thu gu h-anbarrach.

3 Agus thuit Abram air eudan <sup>b</sup>; agus labhair an Tighearna ris, ag ràdh,

4 Do m' thaobh-sa <sup>c</sup>, feuch, *a ta* mo choi'-cheangal riut-sa, agus bithidh tu a't' athair mhòrain chinneach <sup>d</sup>:

5 Agus ni'n toirear a fo a mach Abram mar ainm ort, ach bithidh Abraham agad mar ainm; oir rinn mi thu a't' athair mhòrain chinneach.

6 Agus ni mi thu ro-shìolmhar, agus ni mi dhìot cinnich, agus thig rìghrean a mach afad.

7 Agus daingnichidh mi mo choi'-cheangal eadar mis' agus thusa, agus do fhliochd a'd'

dhéigh, 'nan ginealachaibh, mar choi'-cheangal sìorruidh, gu bhi m' Dhia dhuitse, agus do d' fhliochd a'd' dhéigh.

8 Agus bheir mi dhuitse, agus do d' fhliochd a'd' dhéigh, am fearann anns am bheil thu a'd' choigreach <sup>e</sup>, tìr Chanaain uile, mar sheilbh sìorruidh; agus bithidh mise a'm' Dhia dhoibh.

9 Agus thubhairt Dia re h-Abraham, Coimhididh tu uime sin mo choi'-cheangal, thu *fèin*, agus do fhliochd a'd' dhéigh, 'nan ginealachaibh.

10 So mo choi'-cheangal a choimheadas <sup>f</sup> sibh eadar mise agus sibhse, agus do fhliochd a'd' dhéigh; Gu'n timchioll-ghearrar gach leanabh mic 'nar meafg.

11 Agus timchioll-ghearraidh sibh feoil bhur roimh-chroicinn <sup>g</sup>, agus bithidh e 'na chomhar' a' choi'-cheangail eadar mise agus sibhse.

12 Agus am mac 'nar meafg a bhios ochd lathan a dh' aois, timchioll-ghearrar e, gach leanabh mic 'nar ginealachaibh, efan a bheirear 'san tigh, no cheannchar le h-airgiod o choigreach air bith, nach *'eil* do d'fhliochd-sa.

13 Timchioll-ghearrar gu cinnteach efan a bheirear a'd' thigh, agus efan a cheannchar le t'airgiod: agus bithidh mo choi'-cheangal 'nar feoil-sa mar choi'-cheangal sìorruidh.

14 Agus an leanabh mic neo-thimchioll-ghearrta, aig nach timchioll-ghearrar feoil a roimh-chroicinn, gearrar an t-anam

fin

<sup>a</sup> foirfe, dìongmhalta.    <sup>b</sup> aodainn; aghaidh.    <sup>c</sup> air mo shon-sa.    <sup>d</sup> fhi-  
neacha.    <sup>e</sup> fearann do chumhachd.    <sup>f</sup> ghleidheas.    <sup>g</sup> roi'-chraicinn.